

КОЛХОЗ БУСЫ

Районной партийной собраниысь

11 августэ районной партийной собрание ортчиз. Собраниен ВКП(б)-лэн ЦК-езлэн июльской Пленумезлэн но ВКП(б)-лэн Удмуртской Обкомезлэн пленумезлэн решениосыз сярысь доклад лэсьтйз ВКП(б) райкомлэн нырысетй секретарез Лук'янов эш.

Аслаз докладаз Лук'янов эш вераз, районысьтымы октон-калтон, государственлы нянь тырон но зег кизёнлэн ляб мынэмез сярысь.

— Хлебопоставка районамы чидантэм ляб мынэ—шуэ докладчик. — Колхоз'ёсын зег кутсамын луыса но государственлы ю-нянез угнуо. Существовать каре антигосударственной практика куд-ог колхоз'ёсын. Каргурез колхоз (председателез Корепанов) государственлы нянь нуэмлэсь азыло колхозник'ёслы авансом люкылйз, собере государственлы нуиз.

Тросаз колхоз'ёсын чиданы лубонтэм ляб пуктэмын дисциплина, ужаны берпото, ужамысь вазь берто. Со сяна куд-огаз колхоз'ёсын уборкаен кивалтэн интые пьянствовать карыса уло (Т-Пурга колхозысь, председателез Шкляев ВКП(б)-лэн членэз).

Собере Лук'янов эш дугдылйз на 8 час'ем ужан нуналэ, 7 нунал'ем ужан арняе выжон сярысь, предприятиосысь но учреждениосысь рабочийёслэсь но служащайёслэсь аспумысьтызы кошконзэс дугдытон сярысь СССР-лэн Верховной Советэзлэн Президиумезлэсь Указзэ уж вылын быдэс'ям сярысь. Та законэз асьме районысь рабочийёс но служащайёс уж вылын ляб быдэс'яло, уно луылэ но прогуд'ёс. Нош прокуратура но суд прогульщик'ёслы пумит ляб нюрсыке.

Доклад бере 19 мурт прениын вераськызы. Ваньзы ик соос Пленум'ёслэсь решениоссэс одобрить каризы но конкретной предложениос сёт'язы уборкаез но хлебопоставкаез вакчи ды-

ре но умой качествоен быдэстон вылысь.

Уполнаркомзагысь первичной парторганизацилэн секретарез Дядюков эш но мукет'ёсыз прениын вераськысьёс возматйзы ВКП(б)-лэн ЦК-езлэсь но СССР-лэн СНК езлэсь „сельскохозяйственной продуктаосты октон-калтон но дасян сярысь“ постановленизэс районысьгымы куд-огезлэн колхоз'ёслэн нарушашь каремзы сярысь. Та постановлени куд-ог колхоз'ёсын нарушашь кариське соин но, что уполнаркомзаглэн апаратэз та задачаосыз разрешить карыны мобилизовать каремын өвёл. Агентэз Чирков Быдзымошур колхозын авансом нянь люкылэмзэс годыса но нокиче но меры принять оз кары, мириться кариськиз. Тросэз сельисполком'ёслэн но колхоз'ёслэн председателёссы та постановлениез тодымтэ уланалсо. Тани Карачум сельсоветысь исполнительный комитетлэн председателез Агафонова шуэ „колхоз быгатэ выль арам юзэ авансом колхозник'ёслы люкылйны вань кутсам ю пöлысь 10 процентсэ“. Тае тырмымтэ уж'ёсты тупатыны дыр ортчымтэ на, кулэ паськыт вöлмытыны валэктон ужэз.

Падышев эш аслаз выступлениаз вераз: — антигосударственная практика луылэ куд-ог колхоз'ёсын соин, что агитационно-массовой уж урод пуктэмын. ВКП(б) райкомлэн агитация но пропаганда отделэз ляб ужа.

Озы ик прениын вераськысьёс отметить каризы МТС-лэн ужысьтыз тырмымтэ уж'ёссэ. Колхоз'ёсын машинаос уг ужало, тракторист'ёс бездельничать но пьянствовать карыса уло. Нош директор Ложкин нокиче меры принять уг кары.

ВКП(б) ЦК-лэн но ВКП(б) Удмуртской Обкомлэн Пленумзы лэсь решениоссэс парторганизация одобрить кариз но пуктйз ас аяз задача та решениосыз дыраз но умой качествоен уж вылын быдэс'яны.

Итальянской командованилэн сводкаез

Рим, 12 августэ. (ТАСС). Стефани агентство итальянской командованилэсь сводкаез сётэ. Отын шуэмын: „Британской Сомалиын ась-

мелэн войскоосмы азылань мыныса противниклэн основноесь кужым'ёсыныз ваче вуылон'ёсы пыризы“.

Предприятиосысь но учреждениосысь прогуд'ёс но ас сяменызы кошкем сярысь уж'ёсты народной суд'ёсын народной заседательстэк эскерылон сярысь

СССР-лэн Верховной Советэзлэн Президиумезлэн УКАЗЗЭ

Тупатано, что предприятиосысь но учреждениосысь нокиче мугтэк прогуд лэсьтэм сярысь но ас сяменызы кошкем сярысь уж'ёс эскерилысько народной судьяосын единолично, народной заседательстэк.

СССР-лэн Верховной Советэзлэн Президиумезлэн Председателез М. КАЛИНИН.
СССР-лэн Верховной Советэзлэн Президиумезлэн Секретарез А. ГОРКИН.

Москва, Кремль, 10 августэ 1940 арын.

Производстоын чыры-пыры лушкаськон'ес понна но хулиганство понна ответственность сярысь СССР-лэн Верховной Советэзлэн Президиумезлэн УКАЗЗЭ

1. Тупатано, что производстоын яке учреждениын лэсьтэм озы нимаськысь „чыры-пыры“ лушкаськон, солэсь бадзымлыкелэсь независимо—караться кариське одйг арозь тюремной заключениен, если со аслаз характерез'я закон'я эшшо но секыт наказанылы уг вутты.

2. Тупатано, что предприятиосын, учреждениосын но общественной интыосын лэсьтэм хулиганской действиос—караться карисько одйг арозь тюремной заключениен, если со действиос асьсэлэн характерзыя закон'я эшшо но секыт наказанылы уг вутто.

3. Союзной Республикаослэн Верховной Совет'ёссылы косоно та Указлэн соответвиез'я Уголовной кодекс'ёсазы воштон'ёсты пыртыны.

СССР-лэн Верховной Советэзлэн Президиумезлэн Председателез М. КАЛИНИН.
СССР-лэн Верховной Советэзлэн Президиумезлэн Секретарез А. ГОРКИН.

Москва, Кремль, 10 августэ 1940 арын.

Бусы ужысь азьмынйсьёс

Сеп. Лужан колхозысь колхозницаос М. П. Тронина но М. И. Тронина аранын 0,16 га арам интые 0,19—0,20 га арало. Соос ужаны чукна вазь пото, нош жытазе пеймытэн берто.

Тронина.

Зура. „Гражданка“ колхозысь 4-тй бригадаысь

П. К. Шкляева но Е. М. Стрелкова культо керттонын 400 культо керттэм интые 600-700 культо керттыло. Озы ик соос аранын но тупатэм нормазэс мултэсэн быдэс'яло. Таослы умой ужамзы понна колхоз правлени коньдонэн премировать кариз.

Баньысь Тронин.

Бадзым польза басьто колхозной сион мерттонлэсь

Сельхозпродуктаосыз дасян но басьян политикаез воштон сярысь правительстволэсь постановленизэ куд-огез колхоз'ёс валазы но уж вылын быдэстыны кутскизы. Тани Сеп колхоз огреч ноку но оз мерттылы. Туэ со огреч мерттыз но сое утятлыны Корепанова эшез юнматйз. Корепанова эш со бордын жутскем мылкыдын ухаживать кариз. Тини озы умой уход кыл-

дытэмен сэрэн огреч умой удалтйз. Удалтэм маке колхозник'ёслы сиыны но базарын вузаны шедиз.

Корепанова эш шуэ „мыным колхоз доверить кариз ке 1941 арын огреч будэтынэ, эшшо но умой ужало на. Ужало чтообы Всесоюзной Сельскохозяйственной Выставкаын участвовать карон правоез добиться кариськон вылысь“.

Корепанова.



Куд-ог колхоз председателъес вунэто сельскохозяйственной растениысь вредительёсын нюр'ясьныны.

Эшшо но одйг пол озимовой нумыр сярись

Зег кизем площадьёсыз обследовать карыса, тросаз колхоз'ёсын озимой нумыр обнаружить каремын. Соосын дыраз нюр'ясьныны асьме районамы ваньядохимикат'ёс. Нумыр'ёсын нюр'яськонлэн техникаез сярись инструктивной указаниос совещаниосын но „Колхоз бусы“ газетын сётэмын вал. Озы ке но куд оgez колхоз'ёслэн председателъёсы преступно относиться карисько, уг сюлмасько урожаяез сохранить карон понна. Кылсярысь, Генчейыл, Карачум, Н-Деревня но мукет'ёсысь колхоз'ёсысь колхоз'ёслэн председателъёсы зегуд

вылысьтыз нумыр'ёсыз шодыса но соосын уг нюр'ясько.

Зегуд сиись нумыр туж бадзым из'ян лэсьтэ. Танй Туга колхозлэсь 1939 аре кизем зегудзэс 22 гектарэ нумыр сииз. Тйни ма мында Туга колхозлы нумыр'ёс из'ян лэсьтйзы.

Колхоз'ёслэн председателъёсылы озимой нумыр'ёсын жожен но сер'ёзно нюр'яськон кутыны кулэ. Котькуд нунал'ёсы эскерылыны кулэ, чтобы соосын дыраз нюр'яськонэз ортчытоно.

Райзолэн агрономез Раумова.

Ю октон-калтон чидантэм ляб пуктэмын

Асьме районысь Ключевка сельсоветысь „Коммунар“ колхозын ю октон-калтон чидантэм урод пуктэмын. Та нуналозь 25 гектар зег аранзы, 5 гектар егйнанзы, 41 гектар озимовой зег кизьонзы ваньна на, государстволы нянь 30 центнер гинэ сдать каремын нй.

Таце чидантэм безобразносо мыно соин, что та „Коммунар“ колхозын трудовой дисциплиназы колхозник'ёс плын умой пуктымтэ. Колхозник'ёс чукна ужаны пого 9 часэ, 3 час гуртын обедаса уло, жытазе 7 часэ гуртэ берто. Таце шулдыр нунал'ёсы 7 час сяна уг ужало.

Колхозлэн председателез Стрелков таце безобразносты тупатон сярись одйг но уг сюлмаськы. Солэн кышноез но ужан уг пота, висем улэ аналсыа улэ, нош аслаз ноныче справкаез овёл.

Та колхозын, со сяна но урод уж'ёс ваньна на. Тани азьло кулаке поттылэм мурт'ёслэн кышнооссы от-

ветственной уже шедыса, колхозлы вред гинэ лэсьтыса уло. Кылсярысь, М. В. но М. Е. Стрелковаосты, Стрелков искал возмась пуктйз, кытын котькуд нуналэ 1,95 трудодень басьто. Нош кызы бэн соос возмало? Туж урод. Соос пудозэс 9 часэ чукна нуо, 12 часэ гуртэ ваё, 4 часозь гуртын возё. Жытазе 6 часэ улляло. Ваньзэ соос пудозэс лудын 5 час гинэ возё. Соин ик татын искал'ёсы востэтэеь, йол'ёсы ожит потэ, нош йол тыронзы 4000 литра тырымтэ.

Озы ик урод возмало ыж'ёссэс но, соосыз но востэтэсь. Таце безобразносыз Стрелковлэн син аяз твориться карисько, нош Стрелков сое одйг но уг шодылы, притупиться кариськиз. Уг адзы кызы азьло кулак'ёслэн выжыоссы колхозлы из'ян лэсьто.

Мон малпасько Стрелков та янгыш уж'ёссэ валалоз но али ик тупатоз.

Казанов.

Коньдон огазеан планзэс кварталысь кварталэ уг тырмыт'яло

Ключевской сельсовет систематически, кварталысь кварталэ финпланзэ уг тырмыт'я. Куиньметй кварталлы коньдон огазеаны тупатэм планзэ 17 процент гинэ быдэстэмын. Нош Карачум сельсовет бордаз ик, солэн 67 процентлы быдэстэмын нй. Финпланлэн быдэсмым-тэезлэн главной причинаез со, что сельисполком коньдон ужез самотеке лэзиз. Соия заниматься уг карисько соин, что сельисполкомлэн активезлэн аслаз тыронзы тырымтэ. Тани сельисполкомлэн председателезлэн Тронинлэн 204 манет тыронэз, Захаровлэн али Зуралэн столовойаз заведуюшоен ужа 163 манет, налоговой агент Чорепановлэн 191 манет тыронэз но „Коммунар“ колхозлэн председателезлэн Стрелковлэн (со ик первичной парторганизацилэн секретарез) 487 манет тыронэз. Тйни озы финансовой актив относиться кариськем бере коньдон тырон мыноз шуыса малпаны ик уг луы нй.

Мон малпасько та материалэз лыдзыса валалозы Ключевка сельсоветысь сельисполкомлэн активез но та нунал'ёсы тыронзэс быдэстозы.

Казанов.

Финансовой дисциплинаез тиясьёс

Зуринской инвалидной артельысь председателез Стрелков Д. Д. но бухгалтер Ившин Н. В. одйгетй но кыктэтй кварталэ 1940 арын, производственной предприятиосысь наличным поступить карем коньдонэз 20215 манет соос быдтйзы, госбанке сётытэк, кудйз являться кариське кассовой дисциплина законэз тйям.

Кассовой дисциплинаез тиясьёс вылэ материал составить каремын. Со материал'я кассовой дисциплинаез тиясьёс привлекаться кариськозы.

Тронин.

Английской авиацилэн министерствоезлэн ивортэмез

Лондон, 12 августэ. (ТАСС). Английской авиацилэн министерствоез аслаз ивортоназ шуэ; „Германской самолет'ёс толон Англилэн южной ярдур'ёсы вылэ сяна, озы ик восточной ярдур'ёсыз палась

Германской командованилэн сводкаез

Берлин, 12 августэ. (ТАСС). Германской информационной бюро германской армилэн верховной командованиезлэсь таце сводкаез сётэ: „12 августэ потон уг асьмелэн военно-воздушной кужым'ёсмы Филтонысь но Крунысь авиапромышленность лэн предприятиосыз вылэ. Кардифысь но Бристольысь портовой сооружениоэ вылэ но Эвонмутысь горючийёсты возён склад'ёс вылэ налег'ёс лэсьтылйзы. Пёртэм район'ёсын асьмелэн авиацимы зенитной артиллерилэсь позициоссэ бомбардировать кариз.

Уйин неприятельской самолет'ёс Северной но Западной Германысь военной значение басьтйсьтэм объект'ёс вылэ бомбаос куязы но ноныче из'ян лэсьтыны өз быгатэ. Со самолет'ёс Западной Германилэн город'ёсыз пёлысь оgezлэн населенной кварталаз закигагельной бомбаоссэз куштйзы. Жуткем тылпуос соку ик кысэмын вал.

Неприятельлэн толло нунал понна воздушной бойёсын ыштон'ёсыз 90 самолет луо. Со сяна, воздушной заграждениосызлэсь 8 аэростат'ёссэ уськытэмын. Германской авиация 21 самолетэс ыштйз. Оgez водной лодкамы неприятельлэсь конвой улсын мынысь шоролыко размер'ем вооруженной торговой парходзэ выйтйз“.

Бельгийской беженец'ёс Франциысь берытско

Берлин, 12 августэ. (ТАСС). „Националь цейтунг“ газет аслаз Брюссельысь корреспондентэзлэсь беженец'ёслэн Бельгие бертэмзы сярись ивортонзэ поттэ. Война вакыт Бельгийсь кошкем'ёс 2 миллион муртозь вуэмын вал.

Али Париж — Брюссель сюрес кузя ветлыны нымькытыз поезд'ёс вис'ямын. Соос Бельгие нуналлы быдэ 2-ысен 5 сюрсозь беженец'ёсты вутто.

Корреспондент озы ик ивортэ, что голландской беженец'ёс но Франциысь берытско.

Отв. редактор КНЯЗЕВА. Поттйсь Райисполком